

Noticia  
Transparente  
di Gobierno

# ISLA ONLINE

Diamars 26 Maart 2024

Email: [IslaOnline@gobierno.aw](mailto:IslaOnline@gobierno.aw) Tel: 528-4952



**STABILIDAD  
Y  
PROSPERIDAD**

2 0 2 4

**Gabinete Wever-Croes**





**E UNICO TERENO CU GABINETE WEVER-CROES A OTORGA DESDE 2017, TA PA CONSTRUI SECRETS HOTEL NA SAN NICOLAS**  
**Gobierno ta kere den desaroya San Nicolas**

Prome Minister Evelyn Wever-Croes a indica cu desde inicio di gobernacion di Gabinete Wever-Croes, e unico tereno cu a ser otorga, pa loke ta trata construccion di hotel, ta e tereno pa construi Secrets Hotel na San Nicolas.

Un di e prioridadnan di e gobierno actual ta pa traha na bienestar y desaroyo di San Nicolas, y pa e motibo aki a tuma e decision pa otorga e permiso pa e hotel aki, cu lo crea cupo di empleo y e desaroyo economico cu e comunidad di San Nicolas tanto ta anhela. Gabinete Wever-Croes a hereda un compromiso total di 7000 camber, a logra bahe na 2000, y lo sigui traha na reduci e cantidad aki aun mas.





# Prome Minister Evelyn Wever-Croes: GOBIERNO DI ARUBA A TUMA DIFERENTE ACCION RIBA PREVENCIÓN DI ABUSO DI MUCHA

Ya desde año 2020 a cambia ley y a hisa castigo maximo te na 15 año

Durante e Conferencia di Prensa di Gobierno di Aruba dialuna mainta, unda a decreta luna di April como e luna contra di abuso di mucha, Prome Minister Evelyn Wever-Croes tambe a elabora riba e parti di e prevencion di abuso di e mucha.

Riba prevencion Gobierno ya a tuma diferente accion. A bin cu e meldcode, e codigo di proteccion, y tambe cursonan di Signs of Safety pa profesionalnan den sectornan social, enseñansa, salud publico y husticia pa asina tur profesional por raporta na forma uniforme y pa tur informacion relaciona cu e mucha ta central den un sistema. A bin cu cursonan pa full e veld social duna door di European Family Justice Alliance. Esaki ta pa trece hunto tur experticio pa atende cu e temanan di abuso. Tambe e edificio Family Justice Center unda tur profesional lo ta ubica ta den su fase final.

Tambe Gobierno a organisa e campaña nacional “Mi Mesun Heroe” cu ta un proyecto di 52 episodio educativo pa nos muchanan y pa mayornan, pa conscientisa e muchanan desde chikito kico por y kico no por, pero principalmente kico pa haci pa stop actuacionnan

no permiti contra muchanan.

Gobierno tambe a adresa diferente tema riba cuida di victima. A cera un Memorandum of Understanding (MOU) entre ful e cadena di expertonan, y asina ta garantiza cuida psicologico pa e victima y tambe un psicologo pa guia e interrogacion. Di e forma ey e caso presenta por ta mas solido y hues por yega na castigonan mas halto. Tambe e tema di e “Vertrouwensarts”, cu tin atencion constante di Prome Minister, a apunta un medico forensico cu ta specialisando den e materia.

Riba tereno di investigacion, pa por acelera esaki y pa e investigacion ta di calidad mas halto a tuma e siguiente pasonan: Pa loke ta trata interrogacion e asina yama “studioverhoor” a certifica zedenrechercheurs y psicologonan pa e studioverhoor di menornan di edad y a busca tur material nobo pa inrichting di e

02


ACCIONNAN CU GOBIERNO A TUMA CONTRA ABUSO SEXUAL DI MENOR

• Prevencion

• Cuido di victima

• Investigacion

• Castigo




03

PREVENCIÓN

Meldcode / Código di protección / Signs of safety.

Family Justice Center / cursonan pa ful e veld social y hudicial door di European Family Justice Alliance.

Campaña nacional ‘Mi Mesun Heroe’.



04

CUIDO DI VICTIMA

• CUIDO PSICOLÓGICO

MOU entre ful e cadena, caminda ta garantiza cuida psicologico pa e victima y tambe un psicologo pa guia e interrogacion. Di e forma ey e caso presenta ta mas solido.

• MEDICO FORENSICO

A apunta medico forensico y ta specialisando den e materia.



05

INVESTIGACION

Certificación di zedenrechercheurs y psicologonan pa studioverhoor di menornan di edad.

Guia nobo pa maneja caso di agresion sexual di parti OM.

A busca tur material nobo pa aregla e studioverhoorruimte.

Preparando introduccion di ‘recherche psycholoog’.



studioverhoorruimte. Ministerio Publico tambe a bin cu un guia nobo pa maneja caso di agresion sexual y tambe e ‘recherchepsycholoog’ ta den preparacion.

06

CASTIGO

A HISA CASTIGO MAXIMO NA 2020.

DELITO SEXUAL NO TA CADUCA. No ta importa cuanto tempo pasa, si tin prueba, e abusado lo haya su castigo.



07

RELACION DI E ABUSADO CU E VICTIMA

Desconoci

Amigo/a di welo

Welo

Bisiña

Pareha nobo di mama

Amigo/a di mama/tata

99%

1%





## E LUCHA CONTRA ABUSO Y ABUSO SEXUAL DI MENOR, TA PRIORIDAD NUMBER 1 DI GABINETE WEVER-CROES

**"Gobierno a haci, ta haciendo, y lo sigui haci di su parti, pero ta importante, pa den e lucha aki, por conta riba sosten di cada ciudadano tambe"**

### 08 PRIORIDAD NUMBER 1

**Cu stapnan firme y sigur,  
nos ta combati e problema  
di abuso di menor.**

**Yuda nos sigui busca forma  
pa stop abuso di mucha.**



Durante un conferencia di prensa di Gobierno, Prome Minister Evelyn Wever-Croes a elabora riba e importancia cu e lucha contra abuso y abuso sexual di mucha tin pa Gabinete Wever-Croes II.

Prome Minister a indica cu abuso contra menor tabata prioridad number 1 di Gabinete Wever-Croes I, ta di Gabinete Wever-Croes II, y lo keda prioridad number un den e temponan nos dilanti pa proteha nos muchanan.

Prome Minister a splica cu den wowo di muchanan, hendenan adulto ta esnan cu tey pa cuida y protehenan. Na momento cu nan

wak un adulto, nan ta wak un persona cu por yudanan, evitando pa hende haci nan daño. Pero na momento cu e persona ey fayanan, e daño cu lo causa riba e criatura ta ireversibel. E impacto ta asina devastador, cu lo afect'e pa resto di su bida.

"Gabinete Wever-Croes lo sigui tuma pasonan sigur y firme pa sigui den e lucha contra abuso di nos muchanan. E ta alarmante pa wak e resultado di e estudionan haci, indicando cu esnan cu ta comete e acto di abuso contra mucha, 99% di biaha ta un persona cu ta serca di e mucha. Pero e ta un indicacion

fuerte tambe cu aparte di leynan di castigo y investigacion, mester cuminsa enfoca mas den e famia. Y aki ta unda nos mester di cada ciudadano di pais Aruba, pa yuda nos. Gobierno a haci, ta haciendo, y lo sigui haci tur di su parti, pero ta importante pa conta riba sosten di cada ciudadano pa cu esaki tambe. Prevencion ta den man di nos tur" Prome Minister a enfatisa.







### Durante Manifestacion Cultural

## MINISTER-PRESIDENT EVELYN WEVER-CROES Y MINISTER XIOMARA MADURO A HACI ENTREGA DI E BANDERA OFICIAL DI ARUBA NA SCOUT ARUBA PA HISA DURANTE E ACTO PROTOCOLAR

Durante e Manifestacion Cultural cu a tuma luga dia 17 di maart, en conexion cu Celebracion di Dia di Nos Himno y Bandera, Minister-President Evelyn Wever-Croes y Minister Xiomara Maduro di Cultura a haci entrega di e bandera oficial cu a wordo hisa durante e Acto Protocolar riba Plaza Libertador Betico Croes.

E bandera, cu ta simbolo di unidad, cultura y herencia di nos Pais, a ser entrega na lider di Scout Aruba, Sr. Mariano Thiel. Cu e gesto aki, Sr. Thiel a ser honra cu e responsabilidad di ricibi e bandera for di man di ambos mandatario. Esaki a pone enfasis riba e respet y confiansa deposita den su persona y Scout Aruba, reconociendo nan dedicacion pa fomenta entre nos hobennan e sentido di patriotismo y di duna bek na comunidad. E momento unico aki a marca inicio di e celebracionnan di Dia di Himno y Bandera, un dia cu tabata sumamente bunita unda cu pueblo henter a sali y celebra nos dia nacional.

Minister di Cultura, Xiomara Maduro, a expresa su admiracion pa e trabou cu Scout Aruba ta haciendo, mencionando, 'E grupo Scout Aruba,



bou liderazgo di Sr. Mariano Thiel, ta ehempel di e balornan di liderazgo, servicio y comunidad cu ta fundamental pa nos identidad Arubano. Entregando nan e bandera oficial pa e Acto Protocolar ta un muestra di nan compromiso pa cu e principianan aki.'

E Manifestacion Cultural mes tabata un celebracion unico cu a duna un toke na e Dia di Himno y Bandera, unda cu tabata tin diferente presentacion

di nos talentonan local cu a celebra cultura, historia, y arte di nos Pais. E anochi aki a sirbi como un momento pa reflexiona riba nos simbolonan nacional y e unidad cu nan ta representa.

E eventonan die aña akino solamente a conmemora nos simbolonan nacional pero tambe a reforsa e identidad colectivo y balornan cu ta haci nos Pais unico. Minister di Cultura kier a extende su mas sincero gratitud na



Sr. Mariano Thiel y Scout Aruba pa nan rol den e Manifestacion Cultural, Acto Protocolar y nan

esfuersonan continuo den formacion di e lidernan di mañan.







Minister Dangui Oduber

## MINISTER DI TURISMO A ENTREGA FASE 1 Y DEN PREPARACION PA COMIENSO DI FASE 2 PA PROYECTO DI EMBEYECIMIENTO DI PALAPA Y GAZEBO NA MANGEL HALTO.

Diamars mainta Minister di Turismo y Salud Publico sr. Dangui Oduber durante un conferencia di prensa a anuncia e entregamento di e fase 1 y comienso di ehecucion pa fase 2 cu ta embejecimento di e area na Mangel Halto.

Mangel Halto ta un area cu ta wordo hopi uza y frecuente pa nos locanan y nos turistanan y pesey ta hopi importante pa drecha y mehora e area aki cu tin un naturalesa masha bunita. Den e proyecto aki a drecha y construe na Mangel Halto 3 palapa y 11 gazebo. Pa varios tempo caba esakinan ta den mal estado y tambe a wordo vandalisa y pesey tabata importante pa a haci un inversion pa "upgrade" e area.

E proyecto aki a bira posibel den un parternship cu Fundacion Parke Nacional Arikok (FPNA) cu ta e instancia encarga pa proteha e lama di Mangel Halto cu ta un

area natural protehi 'Marine Protected Area' (MPA). E area di Mangel Halto ta sumamente importante pa proteha y conserva pa asina cumpli cu e ambicion di un turismo sostenibel cu lo beneficia Aruba su conservacion di naturalesa pa futuro generacionnan por disfruta di dje.

Finalmente, Aruba ta conoci como un destinacion di calidad y pa mantene e expectativa aki mester keda haci inversionnan den nos producto Aruba. Minister Oduber ta hiba un maneho unda tin un bon cooperacion cu tur e partnernan den e sector turistico y ta bay sigui enfoca riba e diversificacion di Aruba su turismo. Ya caba a habri aña 2024 cu resultadonan hopi positivo cu a surpasa e cifranan compara cu aña 2023 y pa mantene un pais di calidad mester percura pa nos sigui inverti pero alaves cuida y conserva nos naturalesa y nos producto Aruba.







## Geoffrey Wever: Bishita cerca grupo cu kier instala un Ferris Wheel den Oranjestad



Diabierna, 22 di maart, Minister Geoffrey Wever a haci un bishita na The Pier Skyview na Scheveningen, Hulanda, unda e mandatario a reuni cu interesadonan priva cu a expresa nan entusiasmo pa introduci un atraccion similar na Aruba, especificamente den e ciudad di Oranjestad.

E bishita aki ta forma parti

di e esfuersonan continuo pa revitalisa e centronan di ciudad di Oranjestad y San Nicolas, un iniciativa cu ta busca pa aumenta e trafico di persona y, por consecuencia, e factibilidad comercial di e areanan. Un di e strategianan clave ta pa introduci atraccionnan unico cu por atrae tanto turista como residente local.



Interesadonan priva a sugeri cu e introduccion di un "Ferris Wheel" – similar na esnan famoso den ciudanan manera Orlando, London, y Paris – por sirbi como un manera pa diversifica y enrikece e ofertanan di atraccion turistico na Aruba. E plan pa situa e atraccion aki den Oranjestad ta contribui na e esfuerso pa revitalisa e capital y ofrece

un alternativa atractivo na e zonanan mas satura manera Palm Beach.

Minister Wever a expresa cu e inversionistanan priva ya ta cla pa inicia cu e proyecto, pero ta reconoce cu lo tin varios permisonan gubernamental necesario prome cu e ehecucion. E proceso pa obtene e permisonan aki ta esencial pa segura cu e proyecto ta den linea

cu e regulacionnan y normanan di seguridad estableci. Minister Wever a segura cu e lo sigui e desaroyonan di cerca pa mira cu tur cos ta cana manera debe ser.

Minister Wever a enfatisa su apoyo pa inversionnan cu ta alinia cu e vision pa revitalisa e centronan di ciudad di Oranjestad y San Nicolas.





# Den reunion cu Wageningen University: Geoffrey Wever tin interes grandi pa haci agricultura comercial posibel na Aruba



Diabierna, 22 di maart, minister Geoffrey Wever a bishita e instituto Wageningen University and Research pa explora e posibilidad di cooperacion pa pusha e desaroyo di agricultura comercial. Aplicacion di tecnologia innovativo pa produccion comercial di e.o. fruta y berdura ta esencial pa stimula agricultura comercial. Cooperacion cu institucionan di conocimiento ta parti esencial pa desaroyo di agricultura comercial como un pilar nobo di Aruba su economia.

Wageningen University and Research,

un partnership entre Wageningen University y Stichting Wageningen Research ta un instituto renombra mundialmente riba tereno di aplicacion di tecnologia innovativo di cultivo.

Minister Geoffrey Wever a wordo compaña pa representante di ministerio di naturalesa, Sr. Anko Koopmans, directora di Departamento di Asuntonan Economico, Comercio y Industria, Sra. Maria Dijkhoff-Pita, director di Utilities N.V., Sr. Anthony Rojer y director di Aruba Agri Development Company N.V., Sr. Jeremy Croes.

Durante e bishita Sra. Ria Hulsman, Regional Manager Latin America and Caribbean y diferente expertonan a



elabora riba diferente aplicacion di diferente tecnologia innovativo pa stimula agricultura comercial na Aruba. Tambe e delegacion a ricibi un tour na "Netherlands Plant Eco-phenotyping Centre" (NPEC) na unda a ricibi un splicacion amplio riba nan estudionan cu meta di saca afo

e miho condicionnan di plantacion posibel pa saca maximo cosecha - un punto sumamente importante pa e factibilidad di agricultura comercial.

Agricultura comercial como pilar economico ta prioridad di Ministerio di Economia y Ministerio di Naturalesa pa asina diversifica Aruba su economia.

"Nos ta consciente di e potencial grandi di agricultura comercial y ta nos compromiso pa busca cooperacion cu partnernan strategico cu tin e "know-how" relevante pa aplica esaki na un manera comercial y na beneficio di e industria agricola", segun minister Geoffrey Wever.







Minister Rocco Tjon:

## PROYECTO PILOTO PA INTRODUCI BIJLES GRATIS PA MUCHANAN DI BASISSCHOOL DEN CUADRO DI PROYECTO VEILIGE BARIO'S

Recientemente, reunieron preparatorio a continua entre Ministerio di Husticia y Asuntonan Social y FEPA, pa loke ta e proyecto dentro di Veilige Barios, caminda ta bay brinda muchanan di basisschool bijles gratis den e vaknan di rekenen y taal. Un paso sumamente importante, pasobra di e forma aki ta brinda e muchanan un oportunidad adicional y ta yudanan yega na un futuro mucho mas miho pa nan mes.

E proyecto di Veilige Bario's ta consisti di diferente pilarnan, un di e pilarnan aki ta pa crea seguridad den e bario a traves di diferente metodo manera mas iluminacion, mas seguridad den trafico. Banda di esaki, e otro pilar ta pa percura cu tin mas actividad den bario, pa di e forma aki nan no ta riba caya y por participa den mas actividad den e centronan di bario. Pa e parti aki, Ministerio di Husticia y Asuntonan Social ta colaborando cu CEDE Aruba, caminda antes solamente 500 mil florin tawata wordo ubica pa e centronan di bario por opera,

awendia esaki a subi te cu alrededor di 2 milyon florin.

Un otro pilar, ta percura pa mas participacion di e ciudadanonan den e bario mes. Diferente programanan ta enfoca riba deporte, cultura, musica y workshops pa loke ta e parti laboral, pa asina e hobennan por haya mas conocimiento, pa asina engrandece e oportunidad pa participa den e mercado laboral. Esaki ta algo sumamente importante, mirando cu e muchanan cu tin mester di e ayudo adicional, lo por haya esaki riba e tereno di enseñansa, especificamente e tereno di rekenen y taal, cual ta dos vak importante pa e desaroyo profesional educativo di e hoben.

Minister di Husticia y Asuntonan Social sr. Rocco Tjon, a gradici FEPA, kende ta e instancia cu ta bay ehecuta e proyecto aki, caminda cuater basisschool lo cuminsa participa den e proyecto piloto aki y alrededor di 60 mucha lo ricibi e oportunidad pa forma parti di e proyecto aki.





# 2024

## AÑA DI STABILIDAD Y PROSPERIDAD



### Gabinete Wever-Croes

Arte di Muraya ta un expresion di creatividad sin limite cu ta transforma murayanan di San Nicolas den un galeria bibo cu ta conta historia, transmit emocion y tambe ta stimula e orguyo di un comunidad.

